



საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტის  
წ ა რ მ ო მ ა დ გ ე ნ ლ ო ბ ი თ ი ს ა ბ ჭ ო

გ ა დ ა წ ყ ვ ე ტ ი ლ ე ბ ა № 07-01/11

ქ. ბათუმი

28 თებერვალი, 2023 წელი

„საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის ტექნოლოგიური ფაკულტეტის დებულების დამტკიცების თაობაზე“ ბსუ-ს წარმომადგენლობითი საბჭოს 2017 წლის 17 ივლისის N08 გადაწყვეტილებაში დამატების შეტანის შესახებ

„უმაღლესი განათლების შესახებ“ საქართველოს კანონის მე-18 მუხლის, ბსუ-ს წესდების მე-10 მუხლის, ბსუ-ს ტექნოლოგიური ფაკულტეტის საბჭოს საოქმო გადაწყვეტილების და ამავე ფაკულტეტის დეკანის სამსახურებრივი ბარათის (N230315, 27.02.2023 წლის), ბსუ-ს წარმომადგენლობითი საბჭოს სხდომის N07-02/02 ოქმისა და რეგლამენტის საფუძველზე წარმომადგენლობითმა საბჭომ

გ ა დ ა წ ყ ვ ი ტ ა :

1. „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის ტექნოლოგიური ფაკულტეტის დებულების დამტკიცების თაობაზე“ ბსუ-ს წარმომადგენლობითი საბჭოს 2017 წლის 17 ივლისის N08 გადაწყვეტილებაში შევიდეს ცვლილება, კერძოდ, ფაკულტეტის დებულების (გადაწყვეტილების დანართი N1):

ა) მე-3 მუხლის მე-2 პუნქტის „ზ“ ქვეპუნქტის შემდეგ დაემატოს „თ“ ქვეპუნქტი და ჩამოყალიბდეს შემდეგი რედაქციით:

„თ) კლიმატის მართვის ცენტრი.“;

ბ) 12<sup>1</sup> მუხლის შემდეგ დაემატოს შემდეგი რედაქციის 12<sup>2</sup> მუხლი:

„მუხლი 12<sup>2</sup>. კლიმატის მართვის ცენტრი

1. კლიმატის მართვის ცენტრი წარმოადგენს ტექნოლოგიური ფაკულტეტის დამხმარე საგანმანათლებლო სტრუქტურულ ერთეულს, რომელიც ჩამოყალიბდა Erasmus+“-ის

საგრანტო პროექტის - „საგანმანათლებლო, სამეცნიერო, მართვის და ინდუსტრიული კომპეტენციების ერთობლიობა კლიმატის მართვისა და კლიმატის ცვლილებების პრევენციისათვის“(CLIMAN) ფარგლებში.

## 2. კლიმატის მართვის ცენტრის მიზანია:

- ა) გარემოში კლიმატის ცვლილებით გამოწვეული მიმდინარე უარყოფითი ცვლილებების შემცირება-შერბილების, ეკოლოგიური წონასწორობისაკენ მიმართული საქმიანობის გააქტიურება;
- ბ) კლიმატის ცვლილებისადმი სხვადასხვა სახეობის მცენარის შეგროვება და სასოფლო-სამეურნეო კულტურის ადაპტური დიაპაზონის მეცნიერულად გამოკვლევა;
- გ) საქართველოს სხვადასხვა ტიპის ნიადაგების ნაყოფიერების დამოკიდებულების შესწავლა, კლიმატის ცვლილებასთან კავშირში;
- დ) სხვადასხვა სასოფლო-სამეურნეო კულტურის აგროეკოლოგიური თავისებურებების გათვალისწინებით გაადგილების განსაზღვრა;
- ე) საქართველოს სხვადასხვა ტიპის წყლების ეკოლოგიური მდგომარეობის შესწავლა და გაჭუჭყიანების თავიდან აცილების გზების ძიება;
- ვ) სასოფლო-სამეურნეო პროდუქციის გაჭუჭყიანების დონის კვლევა, მისი თავიდან აცილების ღონისძიებათა დაგეგმვა;
- ზ) საქართველოში ბიომეურნეობების, როგორც კლიმატგონივრული სოფლის მეურნეობის, ძირითადი მიმართულების მდგომარეობის და აჭარის რეგიონში მისი განვითარების პერსპექტივების შესწავლა;
- თ) აჭარის ტყეების თანამედროვე მდგომარეობის შესწავლა და შეფასება.

## 3. ცენტრის საქმიანობის მიმართულებებია:

- ა) ნიადაგების ეკოლოგიის;
- ბ) აგროეკოლოგიისა და სატყეო საქმის;
- გ) კვების პროდუქტების ეკოლოგიური ექსპერტიზის;
- დ) ბიომეურნეობის.

## 4. კლიმატის მართვის ცენტრის მიზნების განხორციელების მიზნით ცენტრი უფლებამოსილია განახორციელოს შემდეგი აქტივობები (ფუნქციები):

- ა) გარემოში მიმდინარე უარყოფით ცვლილებებთან და მოსალოდნელ რისკებთან დაკავშირებით კონსულტაციების ჩატარება სტუდენტების, ფერმერების და ყველა დაინტერესებულ პირისათვის;
- ბ) კვლევა-ძიების ნიჭით დაჯილდოებული ახალგაზრდობის (სტუდენტების) დაინტერესება, მოზიდვა და აღნიშნულ სფეროში მათი დაოსტატების ხელშეწყობა;
- გ) სამეცნიერო კონფერენციების ორგანიზება-გამართვა და კონფერენციის მასალების „შრომების“ სახით გამოქვეყნების ხელშეწყობა.

## 5. ცენტრის მუშაობას კოორდინირებას უწევს უნივერსიტეტის ტექნოლოგიური ფაკულტეტის აკადემიური პერსონალის შემადგენლობიდან დანიშნული ცენტრის ხელმძღვანელი, რომელსაც დეკანის წარდგინებით ნიშნავს რექტორი, 3 წლის ვადით.

## 6. ცენტრის ხელმძღვანელი უფლებამოსილია ცენტრის მიზნებისა და ფუნქციების განხორციელებისათვის საჭირო პერსონალის (ექსპერტების) მოწვევის (შრომითი ხელშეკრულების გაფორმების) შესახებ არგუმენტირებული წინადადებები, ფაკულტეტის დეკანის თანხმობით წარუდგინოს უნივერსიტეტის რექტორს და ადმინისტრაციის ხელმძღვანელს.

7. ცენტრის ხელმძღვანელი ანგარიშვალდებულია უნივერსიტეტისა და ფაკულტეტის მართვის ორგანოებთან და ყოველწლიურად შესრულებული სამუშაოს ანგარიშს წარუდგენს ფაკულტეტის საბჭოს.

3. წინამდებარე გადაწყვეტილება და ფაკულტეტის კოდიფიცირებული დებულება განთავსდეს ბსუ-ს ვებგვერდზე.
4. გადაწყვეტილება დაეგზავნოს ბსუ-ს მართვის ორგანოებს, ტექნოლოგიურ ფაკულტეტს, საინფორმაციო ტექნოლოგიების სამსახურს, იურიდიულ დეპარტამენტს და საქმისწარმოების სამსახურს (კანცელარია).
5. წინამდებარე გადაწყვეტილება შეიძლება გასაჩივრდეს კანონმდებლობით დადგენილი წესით, ბსუ-ს ვებგვერდზე გამოქვეყნების დღიდან 1 თვის ვადაში ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქ. №32).

წარმომადგენლობითი საბჭოს სპიკერი,  
პროფესორი

ჯ. კარალიძე